

新編漢書補注

古杭王從
顯籤



923
50417
1



漢
 氏
 書
 舖
 漢



古杭王提題端



庚辰冬壽松街孫氏開雕



謝氏後漢書補逸序

有清諸儒銳意於輯逸之書甲部師說十得八九乙部則創始於姚魯斯侍御後漢書補逸凡八家其中謝承逸書四卷同里孫頤谷侍御復從而彙緝之攬墜訂譌粲然大備庚辛浩劫傳本稀如晨星吾友康侯孫兄竺守楹書奉其先世壽松堂奏進祕籍珍如鸞鼎獨於謝氏書承尊人仁甫丈未竟之志求之海內越數十寒暑夢寐之間冀得一遇歲在壬子始見之於金陵爲何氏夢華館舊藏本天人相感若有鬼神使之者攜歸杭州重加理董至丙寅秋成書六卷姚氏所輯四卷之外君

言止名海言不文 月
先人侍御補輯者一卷君又增采脫文逸簡一卷至是
而人間故書雅記無一字一句之僭漏矣竊謂輯逸之
作前人爲其難而後人爲其易校勘旣經衆手則前人
爲其疏而後人爲其密卽如北堂書鈔宋元以來未見
足本自孫氏祠堂本由閩入粵南海孔氏精校刊行人
世始重覩全裘此亦時會使然而乾嘉諸儒則求之終
身而不可獲者也士鑑好搜乙部逸書有志於采掇成
編已脫稿者有魚豢魏略郭頒魏晉世語二種人事遂
巡未遑卒業今讀君謝書全稿或可匡督士鑑之所不
逮乎戊辰重五日同里弟吳士鑑拜序

康熙間錢塘姚魯斯侍御蒐輯後漢書之不傳於今者
八家其一曰謝承後漢書四卷先公頤谷侍御病其沿
明儒舊習不詳所自重加釐訂正其所譌補其所闕竝
一一著其出處其未采者別爲續輯一卷先子求之數
十年而未得者宜張文襄書目謂孫輯謝書未見傳本
壬子冬峻得何敬祉寫本於秣陵故家爲夢華館舊藏
心焉竊喜以武林先哲遺書重還故里不可謂非厚幸
矧其爲先公補輯先子求而未得者乎閱藏於櫝已越
十年丙寅孟秋佔畢初完頗多疑義於是檢范氏後漢
書北堂書鈔六臣文選世說新語初學記白孔六帖匡

謬正俗開元占經太平御覽藝文類聚事類賦餘東序
錄本草綱目侯鯖錄王氏蘇詩註周氏同書趙氏水經
注佛說本行經聚於一堂詳加校勘譌敝如毛如嚴序
所云攷之北堂書鈔而知有風教傳與夫馮遲傳之初
譌隱遲繼譌尹遲郝孟節之敝其姓氏以鐵橋之博洽
先公之精審且爲所蔽末學如峻敢置喙乎復从黟縣
汪南士先生所輯謝書互相合校其踳駁尤甚於姚因
就原書加以案語積日旣久滿幅斑斕每一展卷如羣
螳攢聚殊費凝眸遂敝清本寘諸案頭迺校讀之餘覺
先公續輯之外尙多遺軼復三輯一卷殿於編末猶晨

星繼于義和纖塵集于泰岱以俟賢者之攻錯焉戊辰
孟夏同里後學孫峻拜撰

吳武陵太守謝承字偉平撰後漢書百三十卷其書亡於南宋而或言明內閣有之方從哲攜歸德清不足信也傅青主言其家舊藏明槧本曹全碑出土時曾援據是書無一不合以爲大勝范書是亦無稽之言也唯姚之駟後漢書補逸中所輯四卷雖僅存百一猶可以見其真大概謝書於忠義隱逸蒐羅最備不以名位爲限其所以發潛德之幽光者蔚宗不及也若其他事跡與范書異者亦未見定勝近仁和孫頤谷侍御以姚本收輯諸書旣多遺脫

姚氏未嘗見太平御覽

其標目亦頗有疏略乃

重爲訂定於姚本旣多所補正復爲攷所出之書悉明

著之於其所遺漏者復爲采擷續成一卷凡范書以及
異同之處亦注出之良爲精審竊謂諸書所引於字句
之間旣多損益又芟節過當今茲零星掇拾已不足見
謝氏之用意然殘圭斷璧終貴乎真愛古者能忍置之
耶侍御攷之隨書經籍志而知謝書無帝紀攷之北堂
書鈔而知有風教傳攷之太平御覽而知有東夸傳攷
史通而知有百官輿服志姜詩趙壹傳又易論贊而爲
詮與諸史不同世有作僞者以此數端驗之可以破矣
余從侍御借鈔遂書於後乾隆乙卯嘉平初七日歸安

嚴元照

乾隆癸丑莫春會稽張茂才

鎮南

語余云潞莊王氏家

藏元大德閒所刻謝承後漢書王氏主人與吾邑王進

士

宗炎

爲鄉試同年友又故與茂才交然二君皆求之

數年不可得去臘昭文張比部

變

過訪又謂青浦許侍

郎

寶善

有謝書寫本將假歸傳錄今春比部官京師許

氏之書又不可得

輝祖

案吳淑進注事類賦狀在淳化

時已稱謝書遺逸王應麟困學紀聞云謝承父嬰爲尙

書侍郎原注謝承後漢書見文選注是謝書在宋時已

無傳本何以大德時乃有雕版而元明諸人引用鮮有

在唐宋人類書外者王許兩家所藏真贋殆不可知康

熙間姚氏之駟撰後漢書攷逸中有謝書四卷孫頤谷先生病其舛闕重加纂集凡姚氏所采者一一著其出處誤者正之略者補之復以范書參訂同異其未采者別爲續輯一卷證引精博十倍於姚全書雖逸梗概於是略具洵可謂偉平之功臣矣嗣君與人以稿本郵示將遂付之剞劂衰病健忘不能廣閱遠稽有所埒益竊幸十年積悃藉茲稍慰校讀一過識數語於後他日如得見王許兩家本當卽以先生是書考定之

嘉慶七年歲在壬戌十有一月旣望蕭山汪輝祖識

姚序

謝偉平之書東漢第一良史也東觀記彷彿起居注卽應奉漢事譙周刪記未嘗成一家言以定之爲史定之自偉平始偉平於孫吳時爲吳郡督郵有嘉禾生部內後遷長沙都尉博物洽聞下筆儔妙撰後漢書百三十卷可謂該矣案謝書極博凡所載忠義名卿及通賢逸士其芳言懿矩半爲范書所遺惟六朝詞人多誦說之故當時引用多采編中佳話蔚宗作史過爲刪除如食海錯而棄江瑤柱操斤而遺文梓殊可惋惜也然逞往爲言家口實故其軼時見他書知文章光燄與夫忠義

名卿通賢逸士之遺跡其在天地間自不可磨滅如此

輒采綴彙鈔分爲四卷覽是書者亦嘗一嚮而識太牢

之滋味矣案長沙都尉余靖表作武陵太守俟考

志祖案承

後作武陵太守見吳志謝夫人傳

狀

謝氏後漢書補逸目錄

卷之一

祭遵

陳臨

第五倫

李淑

陸閔

王防

陳政

嚴豐

包咸

鄭興

賈逵

桓譚

許慶

周稷

鄧曄

馮異

王阜

桓任

劉崇

臯宏

何湯

張佺

羊茂

劉平

名卿通賢逸士之遺跡其在天地間自不可磨滅如此

輒采綴彙鈔分爲四卷覽是書者亦嘗一嚮而識太牢

之滋味矣案長沙都尉余靖表作武陵太守俟考

志祖案承

後作武陵太守見吳志謝夫人傳

...